

D. F. G.

DISSERTATIO PHILOSOPHICA,

DE

RESERVATIS DIVINIS,

QUAM,

ADPROBANTE AMPLISS. FACULT. PHILOSOPH.
IN REG. AD AURAM ACAD.

PRÆSIDE

VIRO MAXIME REVERENDO atque CELEBERRIMO

D. NO MAG. CAROLO
MESTERTON,

S. S. THEOL. DOCT. LOG. & METAPH. PROFESS.

REG. & ORD.

Publica Bonorum disquisitioni modeste submittit
HENRICUS GUSTAVUS LEVAN,

V. D. M.

AUSTRO-FENNO.

In Audit. Majori die II. Maji A. MDCCCLXI.

H. A. M. S.

PARENTES OPTULU

ABQÆ, Impress. JOHAN CHRISTOPHER FRENCKELL,

H. A. H. Alani

VIRO Plurimum Reverendo atque Praclarissimo,
Dno HENRICO LEVANO,

Ecclesie Saguntinis Vice-Pastori & Sacellano Meritissimo.

PARENTI OPTIMO.

Tot tantaque TUA, Parens Indulgentissime, in me
inde ab incunabulis exitere beneficia, ut vix il-
lis enumerandis, nedum compensandis par sim. Etenim
TIBI, Parens Optime, non solum vitam, verum etiam
educationem probam post DEUM debeo. TU, Parens
Dilectissime, quantum penes TE fuit, nullis pepercisti
curis & sumtibus, quibus commodum meum unquam pro-
moveri potuerit. Imo in super Ipsem, haud grave du-
xisti, honestis, quibus animi discentium imbui solent,
disciplinis, mentem excolere. Hec autem beneficia TUA
Paterna, quum remunerari vires meas longe supereret,
nisi certe, praeter gratum animum, quod TIBI referre
possem, habeo. Et quandoquidem fractum voto TUO
respondentem prestare non valeo, liceat proinde, enixe
expeto, hisce pagellis, ut levibus, gratitudinem debita-
tam testatam reddere, quas in pignus officiorum accipe-
re velis, jollcite oro. Quod autem alio, uti decet,
modo referre, mea non est facultatis, hoc votorum fini-
ceritate, quoad valeo, nunquam non suppleturus sum.
Faxit Supremum Numen ut bona valetudo & prosperus
rerum eventus in jam ingravescente senectute TE co-
mitentur, largiaturque TIBI omnia, quibus hæc vita
felix, & futura beata redditur! Sic vovet dum vivit

PARENTIS OPTIMI

Filius obedientissimus,

HENR. GUST. LEVAN.



§. I.



EUM existere adeo evidens,
cuivisque in oculos cadens est
veritas, ut quoque gentiles hanc
extra omnem dubitationis collo-
caverint aleam, quamvis in ob-
jecto plurimi vehementer erra-
verint. Cicero (*a*) Philosophus
sui ævi haud infimi subsellii, inquit: *Quid potest
esse tam apertum, tamque perspicuum, cum cælum su-
speximus, cælestiaque contemplati sumus, quam esse ali-
quod Numen præstantissimæ mentis, quo hac regantur.*
Et alibi (*b*) ait: *Nulla gens tam fera, nemo omnium
tam immanis est, cuius mentem non imbuerit Deorum
opinio.* Notum quoque est Senecæ effatum (*c*): *O-
mnibus de Diis opinio insita est; nec ultra gens usquam
adeo extra leges moresque projecta, ut non aliquos
Deos credat.* Novimus quidem multos viros præ-
claros, veritatem hujus rei, saepe crassis volumini-
bus diligenter adseveratum ivisse; sed fatentur quo-

A 2

que

(*a*) *De Nat. Deorum L. III. Cap. 1.*

(*b*) *Lib. I. Q. Tusci.*

(*c*) *Epiſt. CXVII.*

que simul omnes sobrii tot argumentis hanc probare opus non fuisse, nisi extitissent, & etiamnum existerent proh dolor! \ talia generis humani monstrata, quæ hominem ex homine tollentes, ut cum Cicerone loquar (*d*), eo vesaniæ progressi sunt, ut hanc negare veritatem haud erubuerint (*e*). Non moramur in repetendis iis argumentis, sat multis, quibus plurimi hanc omnis felicitatis basin corroborantes, nobis abunde otium fecerunt, ne rei, ab aliis oculatioribus, non minus nervose quam prolixæ demonstratae, & intra exigui compendioli limites, quo ad solidam expositionem cogi nesciæ, eam, qua gaudet veritatem, insufficienter probando adimamus.

§. II.

DUm vero DEUM existere conceditur, ipsa quoque notio Ejus statim involvit, ut in illo veneremur ens, absolute necessaria existentia præditum, ab hoc universo diversum, ejus tamen existentiæ rationem sufficientem in se continens. Est autem hoc idem ens, quod quoque adpellare solimus *perfectissimum*, seu tale, quod omnes composibiles perfectiones actu & simul possidet. Enimvero harum perfectionum ideam convenientissime nobis formare possumus, si via sic dicta *eminentiae* & *negationis*, a Scholasticis jam adhibita, incedentes, omnes, in primis spirituum finitorum perfectiones in

(*d*) *De off. L. III. c. V.* (*e*) *Conf. sis inter alios Högsbröms Förfnuft. Tanckar om GUD, §. I.*

in uno subjecto conjungimus, & remotis imperfectionibus, in infinitum easdem extendimus (f). Absit vero ut hoc modo *Anthropomorphitis*, nedum *Anthropomorphitis* (g) nos favere quis existimet, quum naturam DEI cum hominum minime confundamus, adeoque nec limitationes, neque corpus humanum DEO tribuamus, sed tantum ex perfectionibus rerum creatarum ad absolutas DEI perfectiones concludi posse contendamus; unde abunde adparet, similitudinem DEI & creaturarum hic non esse ultra suum tertium extendendam, omnesque imperfectiones, ab illo, uti jam monuimus, removendas. Concedimus quidem tam infinitam intercedere differentiam inter Creatorem & creaturam, ut nulla hic possit institui comparatio (h); sed inde tamen non licet concludere: Ergo nullas nobis formare possumus notiones de Creatoris perfectionibus, ex consideratione rerum creatarum. Verum potius uti res creatæ existentiam DEI adstruunt, ita quoque inserviunt perfectissimis Ejus attributis aliquatenus cognoscendis. Quod fusius explicare, nostrum nunc non patitur institutum.

§. III.

HÆ perfectiones Entis Perfectissimi, Ejusdem *atributa* vocari solent, quæ ab Ejus essentia

A3

non

(f) Conf. Krygers *Naturl. Theol.* II. del C. I. §. 3. *Wallerii Syst. Metaph.* §. 744. (g) *Anthropomorphitæ communiter alias dicuntur Anthropomorphitæ emissores.* (h) Conf. sis *Wallerii L. C.* §. 1222. & *Melaueri Phil. Subr.* P. I. p. 577.

non realiter sed formaliter tantum differunt; a se invicem vero partim virtualiter, partim quoque formaliter (i). Et quamvis hæc attributa πεγγυαληνά seu realiter, vel ut loqui amant sensu identificativō & materiali idem sint, varie tamen ratione præcipue objectorum & effectuum dividi solent, in *absoluta* nimirum & *respective* ἐπεγγυαληνά seu *operativa* & *aviveγγηλη* seu *quiescentia*, *physica* & *moralia*, *immanentia*, & *transeuntia* ἀληνά seu *positiva* & *seculina* seu *negativa*, & quascunque alias ab his vel illis adferri deprehendes divisiones, quæ in quantum genuinæ sint, coincidant vel differant, nunc nihil attinet disquirere, quum præsentis opellæ ratio & scopus id non postulet. Nostrum quippe institutum solum requirit, ut ad unam attributorum Divinorum sæpe satis occurrentem divisionem animum paulo diligentius advertamus. Sunt scilicet haud pauci, quibus moris est *Attributa DEI* dividere in *communia* & *propria*. Illa dicuntur, quæ rebus creatis, præsertim intelligentibus quoque insunt, sed limitate; hæc, quæ soli DEO competunt. Placet non nullis illa etiam perfect ones DEI appellare; hæc vero Ejusdem proprietates. Prioris generis sunt intellectus, scientia, voluntas, sapientia, bonitas, justitia, potentia, vita, beatitudo, veracitas, sanctitas, libertas, &c. posterioris autem independentia seu aseitas, immensitas, æternitas, immutabilitas, infinitas, &c. Non ignoramus dari nonnullos, qui di-

(i) Vid. sis Wallerii L. C. ss. 453. 455.

337

dicunt omnia attributa Divina esse propriā, quod etiam nos verissimum esse lubentes concedimus, eo sensu, quo infinitas perfectiones DEO tantum inesse afferimus, quoniam finitum, non potest esse capax infiniti (k). Sed neque illi, qui quædam attributa vocant communia, his repugnant; non enim eo sensu illa communia vocant, quæ ea- dem ratione possent creaturis inesse, inac- sunt DEO, h. e. sensu univoco; sed hæc test illorum mens, quod nonnullæ perfectiones, quæ en- ti infinito competunt sine omni gradu, rebus et- iam finitis determinata quadam mensura, insint, sensu scilicet analogo & quidem analogia attributio- nis intrinsecæ, dum aliae nullò prorsus modo de creaturis prædicari queunt; ut cuivis attendenti ad modo enumerata attributæ ad oculum patet. Atque dum hoc modo divisio hæc intelligitur, us- ti quoque fas est, suo omnino gaudet fundamen- to, nec adeo jure a quoquam rejicietur.

§. IV.

DUm autem de attributis hisce DEI sic dictis communibus sermo instituitur, simul etiam hinc facile emergit & cuivis perspicuum evadit, quid per reservata Divina intelligamus quorum in- dolem brèvissimis exponere animo meditati sumus, scilicet illud fætigium harum perfectionum, quod DEUS sibi soli retinuit, quodque efficit, ut reali- tes illæ, quæ rebus creatis aliquo modo commu-

ni-

(k) Conf. Wallerii L. G. §. 1223.

¶) § (¶)

nicatae sunt, in DEO siant perfectiones absolutae. Evidem facile nos jam hinc expedire possemus, si in genere solum dicere vellemus, qua ratione haec communes perfectiones insunt DEO, & quo modo creaturæ easdem possident; sed placet tamen præcipua attributa communia percurrere, easque sigillatim indicare prærogativas, quibus ens infinitum eminet omnibus finitis, quo sic magis distinctum de reservatis hisce Ejus nobis formemus conceptum. Id tamen generatim in antecessum monuisse non pigebit, omnes quæ DEO competitur perfectiones, eidem inesse actu atque simul, seu sine successione ut & omni gradu, adeoque nec eas unquam augeri vel minui posse; hoc enim ex notione entis perfectissimi & absolute necessario existentis, quale DEUM esse veneramur, absque ambigibus sequitur. In Creaturis vero res multo aliter se habet, quod plenius ex dicendis patebit. Fatumur quidem ingenuæ, nobilissimæ hujus materiæ dignam expositionem, multis parasangis, exiguae ingenii nostri vires superare; conabimur tamen bono cum DEO, pro ea, quam nobis imperat brevitatem res angusta domi, ostendere, quantum præstet Creator creaturis in perfectionibus, quæ utrique inesse saniores largiuntur omnes. Quod dum occupamur labore, favorem tuum L. B. omnivborum honore expetimus.

§. V.

Occurit ergo primum considerandum, quid in perfectione ista. quæ intellectus nomine venit,

fit, per quod DEUS a creaturis differat, quodque
adeo DEO proprium sit. *Intellectus* spirituum fini-
torum, est facultas res distincte repræsentandi;
DEI vero *intellectus* est vis Ejusdem, qua omnia
possibilia adæquate unico actu repræsentat. Unde
liquet DEUM hic sequentia in primis habere re-
servata: (1) intellectus DEI non est potentia, sed a-
ctus, isque continuus; perpetuo enim cogitandi a-
ctu omnia distinctissime comprehendit. (2) Intellec-
tus porro finitus ita *subjective* & *objective* est li-
mitatus, ut nec potentiam omnia possibilia cognos-
cendi habeat, nedum actu cognoscat, sed multa
& spissa laboret ignorantia, quæ partim ex sen-
suum hebetudine, partim quoque & præcipue ex
limitibus, quos facultatibus animæ nostræ præscri-
psit earundem auctor, originem repetit. DEUS
vero non tantum omnia scibilia potest cognoscere,
sed & actu intuetnr. (3) Intellectus finitus super-
ficiaria sæpiissime gaudet notitia, notionibusque
tantum claris, earum rerum, quæ ei patent, haud
raro adquiescit, imo pluries falsum pro vero ad-
prehendit, atque sic formaliter qua modum repræ-
sentandi, limitatus est; sed DEUS omni possibili
profunditatis gradu intime nec non adæquatissime
omnia novit, & nunquam errori obnoxius est.
(4) Creaturæ denique successive sibi repræsentant
res, ideas adquirunt, judicant, ratiocinantur & ra-
tiocinia porro connectunt, abstractionis atque me-
moriæ beneficio utuntur, & sic pleraque per de-
monstrationum, interdum sat prolixarum anfra-

Etus eruunt, quoniam multa simul distincte intelligere & mente capere nequeunt. Sed aliter hæc singula in DEO sunt, simul enim ille seu unico intuitu & actu omnia distinctissime perlustrat (l) Atque sic facillimo hinc simul negotio possunt intelligi reservata *Scientia DEI*. *Scientia* nostra objective sumta, & quidem sensu latissimo significat omnem cognitionem humanam. Hæc ad omnia scibilia se non extendit, uti *Scientia DEI*, propter ea *Omniscientia* dicta, quæ est simultanea & distinctissima omnium possibilium repræsentatio, scilicet mere possibilium actualiumque, nempe sui ipsius, omniumque contingenter existentium, præteritorum, præsentium & futurorum, eorumque vel absolute futurorum, vel futuribilium, seu sub conditione nunquam existente futurorum; adeo ut Ejus scientia, qua objecta & modum perceptionis in primis, infinitis parafangis differat a nostra. Vいenim *Scientia* suæ sic dictæ *naturalis*, se ipsum perfectionumque suarum recessus intime perscrutatur; per *scientiam simplicis intelligentiae* omnium possibilium essentiam & attributa intuetur, adeoque etiam omnes errores & vitia possibilia cognoscit; ope *Scientia visionis* seu *liberæ* omnia contingenter existentia quoad illorum simultaneitatem & successionem, seu præterita, præsentia & futura rimatur; & denique propter *scientiam medium*, quæ pariter ipsi competit, novit absolute & distinctissime

(l) *Conf. Canzii Theol. Nat.* §§. 59. 60.

me omnia conditionate futura, quamvis illa conditio nunquam ad existentiam perveniat. In primis ea species scientiæ Ejus visionis, quæ præscientia dicitur, admirationem in nobis parit summam. Non enim ea solum ab æterno distinctissime perspexit, quæ in mundo materiali olim extituro fierent; sed & omnium creaturarum creandarum actiones liberas, cogitata & decreta. Obstupestit vero penitus nostra comprehendendi vis, dum simul cogitamus, infinitos alios mundos præter hunc creandum, æque distincte profundissimo Ejus intellectui fuisse obversatos, uti etiam adhuc non hujus solum existentis rerum systematis cognitione adæquatissima gaudet, verum etiam omnium aliarum possibilium connexionum & rerum creabilium. Frustraneum consumeremus laborem, si multis ostendere conaremur, hanc ita breviter descriptam scientiam, inter reservata Divina esse referendam, quum nemo secum habitans ultro non fateatur, nihil minus quam hujus modi cognitionem creaturis competere posse; ne dum actu inesse. Potius pio nos decet pectore admirari & venerari incomprehensibilitatem intellectus & scientiæ DEI, cuius licet profunditatem multi laudabili studio aliquatenus depingere studuerint (*m*), semper tamen exclamandum cum Apostolo: Ιη Καθρ. αφίας τοι γνώσεως!

§. VI.

Voluntas est facultas, inclinandi versus bonum di-

B 2

stina-

(*m*) Vid. inter alios. Carpovii Theol. Nat. §. 198. & Högström L. C. §. 76-81.

finete cognitum & reclinandi a malo distinete co-
 gnito. Quo igitur plura atque majora motiva ad-
 petendi & aversandi alicui sunt, & quanto distin-
 etius eadem quis sibi repræsentare valet, tanto per-
 fector eidem potest competere voluntas. Ex quo
 prono sequitur alveo, DEUM quoad voluntatem se-
 quentia habere sibi propria: (1) voluntas Ejus non
 est facultas sed actus isque continuus. Imperfectio-
 nem enim saperet in DEO, nudam potentiam Ei-
 dem aliquando tribuere, aliquid adpetendi vel a-
 versandi. Creaturæ solum multo plura possunt ad-
 petere & aversari, quam quæ hoc vel illo tempo-
 re desiderant vel aspernantur; ast in ens perfectissi-
 mum ejusmodi mera potentia nunquam cadit. Con-
 tineus quoque est hic DEI voluntatis actus; nam
 voluntas Ejus simultanea, supponit intellectum si-
 multaneum, quia ad nullam rem se potest inclina-
 re nec ab aliqua semet reclinare, nisi prius ab in-
 tellectu sit percepta; quum autem simul & unico
 actu omnia intelligat, evidens est, eum quoque o-
 mnia simul semelque velle, quæ vult, atque simul
 semelque nolle, quæcumque non vult; adeoque nul-
 la ipsi possibilis est volitio vel nolitio, quæ non
 actu in eodem datur. (2) Adpetit omnia vera bo-
 na, & aversatur omnia vera mala, quia solus ea
 omnia cognoscit, idque sine omni successione.
 Nunquam ea adpetit vel aversatur, quæ cum per-
 fectionibus Ejus pugnant, uti homines corrupti sæ-
 pe faciunt, qui haud raro bonum adparens, bono ve-
 ro præferunt, atque sic sæpe perfectionibns suis pro-
 mo-

movendis, minus convenientes, imo haud raro si-
nistras atque perversas eligunt vias, quæ boni
speciem mentiuntur. Et quando quoque vera bo-
na adpetunt & mala aversantur, non simul hoc
facere possunt, quia simul non cognoscunt omnia,
sed successive. (3) Bonum adpetit & malum aver-
satur proportionate, sive secundum mensuram bo-
ni & mali in rebus cogniti, adeo ut majora bo-
na minoribus præferat, & mala majora vehemen-
tius aversetur. Homines autem minoribus sæpe
pro majoribus bonis adquiescunt, adpetitu sensitivo
ducti. (4) Bonum adpetit, & malum aversa-
tur constanter seu immutabiliter, adeo ut quæ jam
ab æterno voluit, eadem etiam in æternum non
possit non velle, & vice versa, quæ jam ob æter-
no noluit, eadem quoque in æternum pergit nolle.
Voluntas enim Ejus eo minus potest esse mutabi-
lis, quo certius constat, Eum infinitam possidere
cognitionem; vi cuius omnia volendi nolendique
motiva simul cognoscit, adeoque nova non pos-
sunt accedere: sed homines in dies discunt, cogni-
tioque eorum magis magisque crescit, quare con-
stanter, bona non adpetunt. His itaque omnibus
observatis, atque in unum collectis, haud diffi-
culter intelligitur, voluntatem DEI esse actum con-
tinuum, omnia vera bona adpetentem, & omnia
vera mala aversantem proportionate & constanter;
quæ singula membra reservata voluntatis DEI esse,
jam satis superque adparet.

§. VII.

Sapientia, est scientia eligendi media finibus obtinendis idonea, & fines ita sibi invicem subordinandi, ut alter sit medium alterius (n). Unde patet (1) media debere esse fini convenientia; *stultus* enim est, qui bonos fines per media contraria, vel saltim non conducentia intendit, (2) sapientiam esse scientiam subjective consideratam, ut demonstrari queat, hunc præcise nec alium finem per hæc media obtineri posse; alias enim fortunam experitur *ancipitem* (o). Habet jam DEUS quod ad hanc perfectionem attinet sequentia reservata: (1) nunquam errat in mediis determinandis, sed exactissimam possidet mediorum notitiam; homines autem persæpe media bona pro malis habent, & vicissim mala pro bonis. (2) Ad optimos fines eosque innumerabiles consequendos media aptissima infiniteque variantia eligere novit: at homines haud raro obtutu quorundam bonorum mediorum, mala & a finibus valde discrepantia eligunt. (3) Remotiores fines propinquioribus, omnes autem ultimo, ceu media novit subordinare: imo stupendo modo res ita inter se copulare, ut haud raro per media, quæ primo intuitu videbantur plane absurdâ sive contraria, salutares conseqvatur eventus, adeoque ostendat eadem re vera fuisse convenientissima. In hac vero finium subordinatione humanæ fa-

(n) *Vid. Wallerii Psych. Rat. §. 259.* (o) *Conf. sis Carpoo vii L. C. §. 376.*

sapientiæ defectus in primis conspicuus est, unde sæpiissime de actionum suarum eventibus sunt in certissimi, imo fines prorsus alios, haud raro, quam quos mediis suis obtinere intendunt, consequuntur.

(4) Possidet scientiam, qua valet omnes fines intentos maxima finium mediorumque harmonia plenissime obtainere. Verbo: DEUS est, si ita loqui licet, & *Theoretice & Practice Sapiens*, quia non tantum novit media finibus subordinare convenientia, verum etiam subordinat actu, hocq; perfectissimo & stupendo prorsus modo. Novit optimum, eligit, exsequitur, sive scit, probat, sequitur & ducitur ad optimum, idque sine ambagibus, cum compendio mediorum, h. e. semper minimo, quo fieri potest, sumtu maximum possibile intendit obtinetq; lucrum. In hominibus autem longe se res aliter habet; irritantur enim sæpe eo, ut appetitum sensitivum imperare permittant rationali, juxta illud Poëtæ: *video meliora proboque, deteriora sequor.*

§. VIII.

PRONITAS ad bona aliis conferenda, *bonitas moralis* appellatur, sive quod eodem redit: *bonitas moralis* est inclinatio, ad perfectiones alterius entis amplificandas. Quanto major gradus est hujus pronitatis aliis bona conferendi, quanto major est numerus bonorum aliis conferendorum, quantoq; major numerus eorum, quibus bona conferre quis studet, tanto quoq; major est ipsa *bonitas*; illa igitur *illimitata* salutatur, quæq; consistit in prohibitate summa, omnibus aliis omnia, quæ dari possunt, quibusque recipiendis capaces sunt, bona confe-

ferendi. Bonitas hæc in creaturis æque ac reliquæ
 earum perfectiones, est finita, sed DEI bonitas tam
 essentiatis, qua omnes sine omni gradu possidet per-
 fectiones, quam moralis, qua omnibus bene cupit,
 est infinita. Est DEUS metaphysice bonus, quia est
 perfectissimus; physice, quia est felicissimus; & mor-
 aliter, quia nihil aliud vult, quam quod cum per-
 fectionibus Ejus conspirat: convenit vero cum il-
 lis pro receptivitate subjectorum felicitatem creatu-
 rarum promovere. Est omnino bonus (1) inde-
 penderter, quia rationem suæ bonitatis non habet
 in alio, quam in se ipso. (2) Excellenter; est e-
 nim summum bonum & hoc purissime. (3) Caus-
 saliter, sive fons omnis boni. (4) Immutabiliter si-
 ve constanter; nam qualis Ejus essentia, talia quo-
 que attributa Ejus esse debent. Horum autem quum
 ne unum quidem de hominibus dicere conveniat,
 per se evidens est, has DEI proprias sive reserva-
 tas perfectiones esse. Bonitatis Ejus haud parvum
 in eo, inter alia, animadvertisimus indicium, quod
 unicuique créaturæ, pro ratione essentiæ & natu-
 ræ ejus conferat perfectiones. Neque tamen me-
 tuendum, ne hæc ipsa inæqualitas obstet bonitati
 Divinæ; tantum enim abest, ut illam aliquid de-
 trimenti perfectionibus Divinis accelerare existi-
 memus, ut potius amicissime eam cum illis con-
 spirare adfirmemus. Quid? quod majus inde elu-
 ceant testimonium bonitatis Divinæ, quod ita sin-
 gula dispensaverit, ut nemini nullas, nemini omnes lar-
 gitus sit perfectiones; sed cuivis tantum conferat
 bo-

bonum, quantum capere valet, quantumve sapientia^e Ejus optime convenit.

§. IX.

Justitia est bonitas sapienter temperata, & DEI justitia est infinita bonitas, secundum illimitatam sapientiam administrata; vel si mavis, est immutabile propositum sapienter & bene subditos regni sui sive cives suos gubernandi, leges nimirum illis praescribendo, actiones eorum secundum easdem examinando, compensandoque tam bene quam male facta. Innuit hæc notio allata justitiæ, illam duabus absolvii partibus, *bonitate* nimirum & *sapientia*, quæ simul sumtæ utramque faciunt paginam justitiæ, & idem omnino hic conceptus involvit, ac si diceres, justitiam esse habitum suum cuique tribuendi; quod dudum a pluribus sufficienter ostensum est. Etenim bonitas perfectiones confert, sapientia vero proportionem adhibet, & efficit ut neque plus neque minus quam par est dispertiatur. Quid autem in justitia DEO peculiariter seu praecreaturis reservatum sit, nullo negotio ex illis patet quæ de bonitate & sapientia Ejus diximus, adeo ut multis his immorari opus amplius non sit, in primis quum brevitatem studio sectemur. In quantum enim Ejus bonitas & sapientia præstat hisce entium finitorum perfectionibus, in tantum quoque justitia Ejusdem eminent. Nunquam ergo Ejus justitia a norma debita, quæ ipsi est harmonia o-

nnium Ejus perfectionum, recedit. Nulla injustitiae species Ei sine suma injuria tribui potest. Hem vero, quoties homines sub larva justitiae, re vera sunt injustissimi! summum jus saepe fit summa injuria; abusus enim in homines cadit. Sed DEUS illimitato suo jure nunquam abutitur, nec potest abuti.

§. X.

Potentia est facultas possibilibus existentiam impertiendi, sed DEO competit *summa* sive *illimitata potentia*, sive *omnipotentia*, quæ est facultas, omnia in se & in relatione ad ejus perfectiones possibilia, cum absolute summa agendi facilitate, ad existentiam perducendi. Patet hinc facile DEI potentiam, qua objecta & modum producendi, in primis a creaturarum differre. Habet scilicet hic *navergete* (1) independentem potentiam, quæ (2) non supponit præexistentem materiam, uti creaturarum potentia. (3) Omnia in instanti operatur, seu sine mora aliqua, sive temporis successione; adeoque multo aliter ac entia finita: unde nec Ejus actiones proprie, quoad actum scilicet operandi, possunt dividi, licet varie dispescantur respectu objectorum. (4) Facit quidquid vult sine obligacione ad rationem alicui reddendam. Hinc fortunatam adversam quam secundam, vitam, mortem, animos & cogitationes hominum habet in manibus suis. Et quoniam nunquam alia vult, quam

quæ

quæ cum perfectionibus Ejus congruent, hinc nee potentia sua in alicujus detrimentum utitur. (5) Perfectissima producit opera, qualia nulla ars humana præstare valet, seu in relatione ad quæ, omnia, vel summa, ac fieri potest, industria humana facta, maximis tamen laborant imperfectionibus (p). (6) Unice valet patrare miracula; exserit enim suam potentiam solo voluntatis actu sive suo arbitrio, h. e. immediate, quando ipsi placet; et iam mediate seu per caussas secundas, quando vult, facere potest. (7) Facit omnia sine molestia & dispendio virium, ut & (8) sine resistentia impedimentorum; atque hic iterum vel maxime cernitur ingens potentia DEI & creaturarum discrimen, haec enim nunquam non molestiam in operando sentiunt, vel saltim defectum virium patientur, saepaque varia obstacula & impedimenta insuperabilia rerum eventus optatos eludunt. Verbo: potentia DEI nec datur initium nec terminus: est ergo incomprehensibilis. Quis itaque a veritate non aberrans neget, haec omnia inter reservata potentia Divinæ esse referenda?

§. XI.

Vita est continua actuositas. Quum autem spiritus intelligendo & appetendo agat, vita quo-

C2

(p) Legi omnino merentur qua inter alios bac de re egreditur auct. Kryger Lib. 1, P. 210. 211. 223.

que ejus in primis posita est in vi intelligendi atque adpetendi. DEUS vivit (1) independenter & necessario, quia est ens a se & necessarium, omnes perfectiones compossibilis in se ipso semper habens. Hinc quoque (2) immutabiliter, adeoque etiam (3) indesinenter. Privatio enim vitæ *mors* dicitur, quæ in DEUM non potest cadere, quia est ens absolute necessarium & immutabile, quisquis autem non moritur, est *immortalis*. Quare quum continuatio vitæ perpetua *immortalitas* debeat appellari, sequitur DEUM immortalitate absoluta gaudere. Vivit autem (4) vitam summe beatam, seu summa purissimaq; & numquam finienda fruitur *beatitudine*, quæ apud eum constituit in omnium atq; summarum realitatum possessione qui etat atq; perpetua, conjuncta cum distinctissima earundē cognitione. Et hanc ob rem summo jure sibi *semper sufficientissimus* dicitur, quia nulla re extra se indiget. Paucis: quanto quis majores & plures possidet perfectiones, quoque distinctius eas cognoscit, & quandoque certius persuasum sibi habet, se easdem perpetuo possessorum esse, tanto major erit voluptas ex illarum cognitione & possessione percepta. Atq; hæc in DEO sine omni gradu reperiuntur, nihil ergo amplius restat, quam ut confidenter conclusiōnem inferamus, illum independenter & necessario, immutabiliter, indesinenter, summeque beatam vitam vivere; quorum, quum ne unicum quidem creaturis competit, hæc ipsa vitæ ejus reservata esse, intelligens quisque vel me tacente animadvertit.

§. XII.

Veracitas est constans propositum menti conve-
nienter loquendi. Veracitas vero DEI est vo-
luntatis Ejus immutabile propositum sermones suos
ad naturam rerum, suaque decreta adcommode-
di. Sunt hic reservata DEO, quod (1) universali-
ter & semper, nec minus (2) necessario sit
verax; aliter autem in utroque momento se res
habet penes homines, quippe qui falsum saepe ser-
monem, cumque aliorum damno haud raro con-
junctum, proferre non erubescunt. Sed propter
intellectus Diuini omniscientiam, qua omnia co-
gnoscibilia distincte & simul comprehendit, volun-
tatisque justitiam & sanctitatem, qua non tantum
omnia veritatis justæ lanci & æquilibrio imponit,
verum etiam constanter atque perpetuo ad bona, pro-
gradibus eorum, se inclinat, omnes falsiloquii & men-
daciorum causæ in eo penitus deficiunt. Quæ
quum ita sint, maximam omnino esse differentiam
inter Creatorem & creaturas, etiam in hoc momen-
to, adfirmare utique debemus.

§. XIII.

Quamvis sanctitatis notio valde sit ambigua (q),
non incongrue tamen sentire videntur, qui
sam generatim denotare dicunt quamcunque im-

(q) Vid. Ribovii Theol. Dog. Secr. I. C. V. S. 755.

munitatem sive separationem. DEI sanctitatem vocamus perpetuum ideoque immutabile voluntatis Ejus propositum, agendi ea, quæ recta sunt, h. e. perfectionibus Ejus convenienter. Dum autem hoc DEI attributum paulo adcuratius perpendimus, illico animadvertisimus illud absolutam omnino omnium imperfectionum exclusionem a DEO inferre: adeoque vi hujus incomprehensibilis perfectionis, (quis enim entium finitorum adeo exacte perfectiones DEI novit, ut semper determinare audeat quicquid illis conveniat vel minus) DEUS semper necessario verax, justus & bonus est. Haec namque attributa, licet respectu objectorum & effectuum a nobis distinguantur, æque ac reliqua, in DEO tamen conjunctissima sunt. Nam sanctitas Ejus est veracitatis, justitiae & bonitatis ipsius vinculum & fundamentum. Quare nec male Illustr. Leibnitius (r) sanctitatem summum justitiae gradum vocavit (f). Atque hinc facile patet, quænam sanctitatis Divinæ sint prærogativæ, præ sanctitate, quæ creaturis tribui solet. Pluribus ergo hoc persequi e re esse non videtur.

¶. XIV.

NEQUE minus intricata videtur notio *Libertatis*, quam tamen, dum sermo est de interna sive vo-

(r) In Causa DEI §. 50. (f) Conf. quoque si placeat
Buddæs Throl. Dog. Lib. II. C. I. SS. 37. & 38.

23

Iuntatis libertate, ut a plerisque fieri solet, definimus per facultatem activam ad unum ex pluribus contingentibus, distincte repræsentatis, sponte se determinandi. Secundum hanc notionem libertatis ad eandem necessario requiritur spontaneitas, indifferentia exerciti tam contradictionis quam contrarietatis, seu ut alii dicunt contingentia, & intellectus. Quanto igitur majori in gradu aliquis jam hæc requisita possidet, tanto etiam perfectior ejus libertas est censenda; atque DEUS his requisitis sine omni gradu gaudet, quod nemo negabit, & nos quoque jam quoad partem ostendimus; ergo Ejus libertas quoque est absolute summa. Homines in pluribus eligilibus momenta cuiuslibet examinare & perpendere solent, voluntatemque ad id, quod maxime illis placet applicare; sin autem exacta notitia horum non gaudent, judicium suspendunt, sin minus, interdum errant in judicando, atque ob ignorantiam, vel ob defectum attentionis debitæ, putamen pro nucleo eligunt, atque sic libertate sua sæpius abutuntur (t). Dum vero realia ab illis, quæ ex limitatione pendent, distinguimus, hasque penitus removemus, etiam libertatis, quæ nec antecedenter, nec formaliter, neque consequenter limitata est, ideam aliquo modo possidemus; quam proinde non male dicimus actum sive vim infinitam ex omnibus possibilibus semper quod placet maxime, seu quod optimum esse distin-

ctissi-

(t) Conf. & Iubes Carporii L. 6. §§ 209, & 311.

Dissime cognoscit, sine omni dubitatione & errore, sponte, idque unico actu eligendi (n). Nunquam haec sua libertate abuti potest; hinc & absolute impossibile est ut malum præferat bono, & in eo palmarium libertatis Ejus reservatum consitit. Habet præter ea libertatem moralem seu immunitatem ab obligatione & lege superioris. Lex Ejus necessaria est perfectionibus suis convenienter agere. Gaudet quoque omnimoda libertate externa, idque propter suam independentiam pariter a omnipotentiam. Atque ex his breviter & pro modulo virium allatis, jam satis patere speramus, quid reservatorum Divinorum nomine intelligamus. Ostendunt hæc simul quam infinite Creator differat a creaturis, licet ipsi placuerit aliquam sui in illis existare imaginem. Jure ergo finem huic qualicunque opellæ imponentes, cum Hieropalte dici mus: Psalm. CXLV: 3. אָרוֹל יְהוָה וּמַחְלֵל מָאָר וּלְנַגְּתָו אִיְחָד.

(n) Conf. omnino Canzii Throl. Nat. §. 89, 90.

